

Ա.ԳՐԱՑԵԼՆԵԻԿԹ.

Ա. Կ. ԹՈՒՎՅԱՆ

ՏՎՅԱԼՆԵՐ ԱՐԱՐԱՏՅԱՆ ՀԱՐԹԱՎԱՅՐՈՒՄ ԵԳԻՊՏԱՑՈՐԵՆԻ ՄՇԱԿՈՒԹՅԱՆ ՄԱՍԻՆ

Հայկական ՍՍՌԻ Գիտությունների ակադեմիայի Բույսերի գենետիկայի և սելեկցիայի ինստիտուտը աշխատանք է ձեռնարկել՝ Արարատյան հարթավայրի պայմաններում եգիպտացորենի մշակութային հետ կապված հարցերը պարզելու ուղղությամբ: Սրանց թվին են պատկանում՝ բույսերի խտությունը մեկ հեկտարի վրա, նրանց տեղադրման ձևը, բանջարանոցային կուլտուրաների ու ցորենի բերքահավաքից հետո ամառային ցանքի մշակությունը, եգիպտացորենի տարբեր սորտերի արժեքը այս պայմաններում և այլն:

Փորձնական ցանքը կատարվել է Շահումյանի շրջանի Շենդավիթ գյուղի կուլտնտեսության դաշտում: Այդ նպատակով երկու հեկտար հողամաս 1954 թվականին ենթարկվել է ցրտահերկի, իսկ 1955 թվականին կրկնավար է արվել և փոշխվել: Ցանքը կատարվել է մայիսի 5-ին: Ցանվել է եգիպտացորենի Կրասնոդար 1/49 սորտը, 70 սմ միջշարքային և 30 սմ միջբույսային տարածությամբ: Յուրաքանչյուր բնում ցանվել է 3—4 հատիկ: Առաջին ջուրը տրվել է ցանքի հաջորդ օրը՝ ակոսային եղանակով:

Կատարվել է բույսերի նոսրացում 2 անգամ՝ հունիսի 5-ին և 11-ին: Մեկ հեկտար տարածության վրա թողնվել է յուրաքանչյուր բնում երկու բույս, իսկ մյուս հեկտարի վրա՝ մեկական բույս:

Տրակտորային կուլտիվատորով երեք անգամ միջշարքային մշակություն է կատարվել և ամեն անգամ, մշակությունից անմիջապես հետո, միջբույսային տարածությունները ձեռքի հողուրազներով փսրեցվել են: Ցանքը ջրվել է վեց անգամ: Հունիսի 15-ին տրվել է սնուցում՝ ամոնիակային սելիտրայով՝ 1 ց/հ.

Բերքահավաքը կատարվել է կաթնամոմային հասունության շրջանում՝ օգոստոսի 8—10-ը: Կողրերի բերքը հաշվի է առնվել փաթեթների հետ միասին:

Ստացված բերքին վերաբերող տվյալները բերված են աղյուսակ 1-ում:

Բերված տվյալները ցույց են տալիս, որ բնում երկու բույս թողնված հեկտարից ստացված կանաչ մասսայի բերքը 67 ցենտներով ավել է բնում մեկ բույս ունեցող հեկտարից, իսկ բնեքում մեկական բույս թողնված հեկտարի կողրերի բերքը 13,5 ցենտներով ավելի է երկուական բույսերի կողրերի բերքից:

Տվյալներից պարզվում է, որ կանաչ մասսայի շատ բերք ստանալու համար հարմար է $70 \times 30 \times 2$ խտության ցանքը, իսկ կողրերի բարձր բերքի համար՝ բույսերի $70 \times 30 \times 1$ խտությունը:

Աղյուսակ 1

Գարնանը ցանված եգիպտացորենի բերքատվությունը
Շենգավիթի կոլտնտեսությունում 1953 թ.

Բնում թողնված բույսերի թիվը	Բույսերի բարձրու- թյունը (մետր)	Ընդհանուր բերքը ց/հ	Կողրերի բերքը ց/հ
2	1,82	381	131,0
1	2,10	314	144,5

Պետք է նշել, որ ցանքի $70 \times 30 \times 1$ սխեմայի դեպքում կողրերի կազմակերպումն ու հասունացումն ավելի արագ են կատարվում, քան ցանքի $70 \times 30 \times 2$ սխեմայի դեպքում: Դրա հետ միասին, $70 \times 30 \times 1$ սխեմայի դեպքում կողրերն ավելի խոշոր են, և թույլ զարգացած կողրերի թիվն ավելի պակաս, քան երկրորդի դեպքում: Այդ իսկ պատճառով բներում մեկական բույս ունեցող ցանքի կողրերի կշիռը բարձր լինելով հանդերձ, բարձր է նաև հատիկային արժեքը:

Որոշ փորձեր են կատարվել նաև եգիպտացորենի ամառային ցանքի դժով: Ցանքը կատարվել է բանջարանոցային կուլտուրաներից ազատված հողամասում և աշնանացան ցորենից հետո:

Շենգավիթի կոլտնտեսության բրիգադիր Կ. Պողոսյանի ղեկավարած բրիգադայում բանջարանոցային կուլտուրաներից (վաղահաս կաղամբ, ոլոռ, դադար, զանազան կանաչեղեններ և այլն) ազատված մեկ հեկտար հողամասը 25 տոննա գոմաղբով սլարատացնելուց և վարելուց հետո, օգտագործվել է եգիպտացորեն ցանելու համար: Ցանքը կատարվել է հունիսի 17-ին, ցանվել է եգիպտացորենի Կրասնոդար 1/49 սորտը: Միջշարքային տարածությունը վերցվել է 70 սմ, իսկ միջբնայինը՝ 30 սմ: Ցանքը կատարվել է ձեռքով: Նոսրացումից հետո բնում թողնվել է մեկ բույս: Երկու անգամ մշակվել է տրակտորային կուլտիվատորով և մեկ անգամ՝ ձեռքի հողուրազներով: Ցանքը ջրվել է հինգ անգամ: Բերքահավաքը կատարվել է հատիկների լրիվ հասունացման շրջանում՝ սեպտեմբերի 28—30-ը ժամանակամիջոցում: Մեկ հեկտարից ստացվել է 120 ցենտներ հասունացած կողրերի և 340 ցենտներ ցողունի բերք: Ցողունները և տերևները հյութալի լինելու շնորհիվ ամբողջությամբ օգտագործվել են սիլոսի համար:

Հացահատիկային կուլտուրաներից հետո խողանացան ցանք կատարելու համար հատկացրած հողերն ազատվել են հուլիսի սկզբներին: Ցանքը կատարվել է հուլիսի 22-ին: Միջշարքային տարածությունն ընդունվել է 70 և միջբնայինը՝ 30 սմ:

Չնայած ցանքի ուշացմանը և նոսրացման ու մշակման անբավարար աշխատանքներին, հոկտեմբերի 15-ին բույսերի միջին բարձրությունը հասավ 1,2 մետրի: Կշռումները ցույց տվին, որ այդ ցանքի հեկտարի բերքը կազմում է 172 ցենտներ կանաչ մասսա և 33,8 ցենտներ կաթնային և կաթնամսմային հասունություն կողրեր:

Ստացված տվյալները վկայում են այն մասին, որ Արարատյան հարթավայրի պայմաններում վաղահաս բանջարանոցային կուլտուրաների և աշնանացան ցորենի բերքահավաքից հետո, առանց ուշացնելու եգիպտա-

ցորենի ցանք կատարելու և մշակումը կազմակերպելու գեպքում հնարավոր է ստանալ ինչպես կաթնամոմային և լրիվ հասունացած կոդրերի, այնպես էլ կանաչ մասսայի բարձր բերք:

Եղիպտացորենի միջշարքային և միջբույսային տարրեր հեռավորությունների հարցը դարձանային ու մամռային ցանքի գեպքում ուսումնասիրելու համար մեր կողմից փորձ է դրվել Չարրախի կոլտնտեսությունում: Ցանվել է եղիպտացորենի սպիտակ շաքարային տեսակը, որը տեղում մշակվում է բանջարանոցային կուլտուրաներից հետո, կուլիսային կամ կիսակուլիսային, կիսախառն ցանքի ձևով: Տվյալները բերվում են աղյուսակ 2-ում:

Աղյուսակ 2

Ն. Չարրախի կոլտնտեսությունում եղիպտացորենի դարձանային և մամռային ցանքի բերքատվությունը բույսերի տարրեր խտություն գեպքում

Ցանքի մամռակը և նախորդը	Ցանքատարածությունը հեկտարներով	Մնման մակերեսը մ ²	Բնումբային թիվը	Բերքը ց/հ	
				կաթնամոմային հասունության կոդրեր	կանաչ մասսա
27/IV, ցրտահերկի վրա	0,5	70×30	1	24,1	144,1
	0,5		2	17,3	277,3
	0,3	50×30	1	11,2	191,1
	0,3		2	6,2	76,2
	0,5		1	3,2	188,2
	0,5		2	1,8	193,8
20/VII, խոզանի վրա	0,5	70×30	3	0,7	176,7

Բերքահավաքը բոլոր գեպքերում կատարվել է կաթնամոմային հասունության շրջանում: Բերքատվությունն ընդհանուր առմամբ բարձր չէ: Դրա հիմնական պատճառը տեղական եղիպտացորենի ուժեղ ճյուղավորվելն է, որի հետևանքով նրա հասունացումը ձգձգվում է: Բույսերի ճյուղավորվելու հատկությունը հատկապես խիստ է արտահայտվում մամռային ցանքերում:

Տվյալներից երևում է, որ անկախ ցանքի մամկնտից, ցանքի 70×30×1 սխեմայի գեպքում հատիկների բերքն ավելանում է, 70×30×2-ի գեպքում գերազանցում է կանաչ մասսայի կշիռը, իսկ 70×30×3 սխեմայի գեպքում նկատվում է բերքի անկում:

Կարևոր է նաև Արարատյան հարթավայրի համար ներդրվող սորտի հարցը: Չարրախի կոլտնտեսությունում 1955 թվականին ցանվեց ոչ թե շրջանի համար առաջադրված Կրասնոդար 1/49 սորտը, այլ իրենց տեղական եղիպտացորենի սերմացուն: Այս ուղղությամբ նախնական տվյալներ ունենալու համար տեղում կազմակերպվեց եղիպտացորենի՝ Գրուշևսկայա, տեղական սպիտակ կրեմնիստայա (Հյուսիսային Կովկասի,) Կրասնոդարի 1/49, հիբրիդ «Ուսպեխ» և տեղական շաքարային տեսակի փորձարկում: Փորձը դրվեց չորս կրկնօգություն, յուրաքանչյուր փորձամարզը 60 մ², ցանքի 70×30×1 սխեմայով: Ցանքը կատարվել է մայիսի 15-ին:

Բերքահավաքը, որի տվյալները բերվում են աղյուսակ 3-ում, կատարվել է լրիվ հասունացումից հետո:

Աղյուսակ 3

Եգիպտացորենի մի քանի սորտերի բերքատվությունը
կողրերով Շահումյանի շրջանի Չարբախ գյուղի
կոլտնտեսությունում

Սորտի անունը	Լրիվ հասունացման ժամանակը	Բույսերի բարձրությունը մետրերով	Բերքը կողրերով ց/հ
1. Գրուշեակայա	20/VIII	1,81	38,1
2. Տեղական սպիտակ կրեմնիստայա (Հյուսիսային կովկասի)	18/VIII	1,92	33,7
3. Կրասնոդարի 1/49	28/VIII	2,25	35,0
4. Հիրրիդ «Ուսպելս»	28/VIII	2,32	34,3
5. Տեղական շաքարային	30/VIII	1,79	22,9

Սորտափորձարկման առաջին տարվա տվյալները որոշակի կերպով հույս տվին, որ տեղական եգիպտացորենը բերքատվությամբ խիստ ետ է մնում փորձարկվող բոլոր սորտերից, որը կոլտնտեսություն և մեր փորձերի ցածր բերքի հիմնական պատճառն է: Տեղական եգիպտացորենի բացասական հատկանիշներից մեկը նրա ճյուղավորումն է, որի հեռացման դեպքում նոր ճյուղեր են առաջանում: Փորձարկվող սորտերից ամենից լավ տվյալներ ունեն Գրուշեակայա և ապա Կրասնոդարի 1/49 սորտերը, որոնք հետադաշում, այլ սորտերի հետ միասին, դարձյալ պետք է փորձարկվեն վերջնական գնահատական ստանալու համար:

Ամփոփելով եգիպտացորենի մշակման հետ կապված մեկ տարվա տվյալները, կարելի է ասել հետևյալը:

1. Արարատյան հարթավայրի պայմաններում եգիպտացորենը հնարավոր է մշակել ինչպես վաղահաս բանջարանոցային կուլտուրաներից, այնպես էլ աշնանացան ցորենից հետո: Դրա շնորհիվ նրա ընդարձակումը հնարավոր է առանց մյուս կուլտուրաների տարածությունը կրճատելու:

2. Ինչպես դարնանային, այնպես էլ ամառային ցանքերից կախնամոմային հասունություն կողրերի և կանաչ մասսայի բարձր բերք ստանալու համար ցանքը պետք է կատարվի $7 \times 30 \times 2$ սխեմայով, իսկ լրիվ հասունացած հատիկների համար՝ $70 \times 30 \times 1$ սխեմայով:

3. Փորձարկված սորտերից ամենից հաջող արդյունքներ ստացվել են Գրուշեակայա, իսկ նրանից հետո Կրասնոդարի 1/49 սորտերից, որոնք պետք է ավելի լայն տեղ գրավեն:

4. Սորտափորձարկման աշխատանքները Արարատյան հարթավայրում պետք է շարունակել ավելի շատ սորտերի նկատմամբ և երևան բերել նրանցից առավել բարձր բերքատուները:

А. К. ТОРЧАН

ДАННЫЕ ПО ОБРАБОТКЕ КУКУРУЗЫ В УСЛОВИЯХ
• АРАРАТСКОЙ РАВНИНЫ

Р е з ю м е

Целью настоящей работы является выяснение вопросов, связанных с обработкой и внедрением кукурузы в условиях Араратской равнины в качестве пожнивной культуры после скороспелых овощных культур и озимой пшеницы. Исследования проведены в колхозах сел. Шенгавит и Чарбах Шаумянского района. На основании проведенной работы можно заключить следующее.

1. В Араратской равнине кукуруза, как пожнивная культура, дает относительно высокий урожай как после скороспелых овощных культур, так и после озимых пшениц. Поэтому расширение посевов кукурузы возможно без сокращения площадей, занимаемых другими культурами.

2. Для получения высокого урожая початков кукурузы молочно-восковой спелости и зеленой массы от весенних и летних посевов наиболее эффективен посев по схеме $70 \times 30 \times 2$, а для полного созревания урожая — $70 \times 30 \times 1$.

3. Из испытанных сортов наиболее урожайными оказались Грушевская, а также Краснодарская 1/49. Работа в направлении по выявлению еще более урожайных сортов должна быть продолжена.